

DANUBE

DAY



icpdr iksd

International
Commission
for the Protection
of the Danube River

Internationale
Kommission
zum Schutz
der Donau



Global Water
Partnership

Central and Eastern Europe

Međunarodno
takmičenje

Danube
Art Master
2012



AKTIVIRAJMO SE ZA RIJEKE!

Uključite se u obilježavanje "Dana Dunava" i pomozite da osiguramo sigurnu budućnost za rijeku Dunav, kao i njene pritoke. Nastavljajući se na pozitivan odziv prošle godine, kada se na međunarodno takmičenje "Danube Art Master" prijavilo hiljade učenika iz 14 zemalja, koje pripadaju Dunavskom sливу, ove godine u saradnji sa ICPDR i GWPCEE ponovo organiziramo ovo takmičenje. Svaki učenik čija se škola, organizacija, dnevni centar, udruženje djece, nalazi u Dunavskom bazenu, pozvan je da sam ili sa svojim kolegama napravi umjetnički rad koji na najbolji način prikazuje doživljaj rijeke, i na taj način se uključi u ovo međunarodno takmičenje. Ovo je vaša šansa da postanete "Danube Art Master 2012". Ovo ambiciozno takmičenje, koje uključuje 14 zemalja, ujedinilo je učenike u regionu, a veliki broj i raznolikost radova koji su poslani, pravi su odraz raznolikosti i bogatstva dunavskog sliva.

DETALJI TAKMIČENJA

Ovo je izazov za svakog učenika, koji ide u školu koja se nalazi u Dunavskom slivu, a ima između 6 i 16 godina, da napravi svoje „okolišno umjetničko djelo“ inspirisano rijekom Dunav, ili nekom od pritoka. Ovo takmičenje ohrabruje i poziva učenike da posjete lokalnu rijeku, osjete i razmisle šta okoliš rijeke znači njima, i svim ljudima koji tu žive. U skladu sa ciljevima „Dana Dunava“, takmičenje

motivira učenike da razmisle o viziji za rijeku Dunav, koja će zadovoljiti raznolike potrebe različitih nacija i naroda koje žive u sливу rijeke Dunav, kao i različitog prirodnog i životinjskog svijeta.

Učešćem u ovom takmičenju, učenici će naučiti nešto novo o sливу rijeke Dunav, i mogu odigrati ulogu u zaštiti i očuvanju pritoka ili samog Dunava.

OSVOJI FANTASTIČNE NAGRADA!

Takmičenje će se i ove godine odvijati na dva nivoa: nacionalni (BiH) i međunarodni nivo. Pobjednici na nivou Bosne i Hercegovine, biće proglašeni na manifestaciji obilježavanja „Dana Dunava“ 29. Juna, i pobjednički rad će predstavljati našu zemlju na međunarodnom takmičenju.

Pobjednički rad u BiH osvojiti će digitalni

foto-aparat, te će predstavljati našu zemlju na međunarodnom takmičenju. Autori najboljeg rada dobit će titulu "Danube Art Master" i osvojiti će nagrade za sebe i nagrade za školu, organizaciju ili dnevni centar, iz koje dolaze kao što su laboratorijski kompleti za ispitivanje vode ili podvodnu kameru i druge slične nagrade vezane za vode.

KAKO UČESTVOVATI?

Za učešće u ovom takmičenju, organizirajte izlet na rijeku koja pripada Dunavskom sливу. Ideja je da učenici budu inspirisani onim što vide na rijeci i njenim obalama i **da koristeći materijale koje nađu na obalama rijeke naprave umjetničko djelo na obalama rijeke**. To znači da u obzir dolaze razne skulpture, fotografije, mozaici ili kolaži, napravljeni od materijala kao što su kamen, naplavljeno drvo, trska, bilje, blato ili čak smeće. Crteži i slike nisu radovi koje tražimo i neće biti prihvaćeni.

Za učešće potrebno je da napravite fotografiju u boji i pošaljete na adresu Ekotim-a. Fotografije mogu biti u elektronskoj ili štampanoj formi (odnosno rađene digitalnim ili klasičnim foto-

aparatom). Digitalne fotografije moraju biti u JPEG formatu i minimalne veličine 1 MB. Štampane fotografije moraju biti najmanje 15x20 cm, na standardnom foto-papiru. Vaše fotografije šaljite na adresu:

Udruženje za zaštitu i unapređenje okoliša, prirode i zdravlja

Ekotim

Grbavička 50

71000 Sarajevo

Bosna i Hercegovina

e-mail: dam@ekotim.net

ekotim@bih.net.ba

www.ekotim.net

ROK ZA DOSTAVLJANJE RADOVA JE 15. JUNI 2012

IZBOR POBJEDNIKA

Najbolji rad za BiH nivo biće proglašen na osnovu glasanja komisije (sudija). Komisija će biti imenovana tokom Juna mjeseca, a svi radovi koji pristignu na konkurs biće objavljeni na web stranici www.ekotim.net, gdje će komisija pregledati i dati svoje ocjene.

Ukoliko se na fotografiji budu nalazile neke oznake ili tekst, prema kojem bi se moglo procijeniti odakle rad dolazi, one će biti uklonjene, do odabira pobjedničkog rada. Nakon proglašenja pobjednika, svi radovi će biti prikazani sa autorima i školama/institucijama odakle dolaze. Odluka komisije/sudaca/ je finalna. Pobjednici će biti obavješteni putem e-maila. Neće biti dodatne korespondencije vezano za takmičenje. Nagrade se ne mogu zamijeniti niti njihova vrijednost može biti

isplaćena u gotovini. Uposlenici ICPDR, GWP CEE, kao i udruženja "Ekotim", i ostali uključeni u promociju "Dana Dunava", njihovi zastupnici, članovi i članovi njihovih porodica i rodbine (definirani kao roditelji, supružnici, djeca, rođaci i članovi domaćinstva), ne mogu učestvovati u ovom takmičenju.

Takmičenje je otvoreno za djecu uzrasta od 6 do 16 godina u 2012.g.

Učešće u takmičenju podrazumjeva saglasnost da se imena pobjednika i radova mogu koristiti javno u promociji "Dana Dunava", "Danube Art Master" takmičenja, te objavljivati na web stranicama koje služe za promociju ovih naslova kao što su "Danube day" web site i stranicama organizatora, kao i drugim medijima.

INFORMACIJE O SLIVU RIJEKE DUNAV I DANU DUNAVA

Rijeka Dunav sa svojim pritokama, formira najvažniji riječni sistem/sliv u Evropi. Kroz istoriju, Dunavski bazen je igrao presudnu ulogu u političkom, socijalnom, ekonomskom i kulturnom razvoju srednje i jugoistočne Evrope. Dunavski sliv pokriva 817.000 km², ili prosječno oko 10% površine kontinentalne Europe. Dunavski bazen obuhvata razvođe druge po veličini rijeke u Evropi koja protiče kroz deset zemalja i teče preko 2845 kilometara od Crnih šuma u Njemačkoj do Rumunske i Ukrajinske delte Dunava , locirajući se na obalama Crnog mora.

On povezuje više od 80 miliona ljudi u Njemačkoj, Austriji, Češkoj, Slovačkoj, Mađarskoj, Sloveniji, Hrvatskoj, Bosni i Hercegovini, Srbiji i Crnoj Gori, Rumuniji, Bugarskoj, Moldaviji i Ukrajini.

Dunav je najvažniji za biljni i životinjski svijet Evrope. Naime, tokom prošlog stoljeća Dunav i njegov biljni i životinjski svijet pretrpjeli su značajne gubitke. Na primjer, bazen je sada ostavljen sa samo 20% od predhodne poplavljene površine što nije ni blizu prirodnog stanja; zagađenjem vode ugrožena su neka područja; i mnogo toga učinjeno je od strane ljudi - kanalizacija, navodnjavanje i građenje nasipa ozbiljno povećavaju rizik od poplave i zagađivanje.

Oko 75 % rijeka BiH pripada slivu Dunavskog bazena. Zbog nedostataka tretmana otpadnih voda, BiH je jedan od najvećih zagađivača rijeke Dunav.

Od 29. juna 1994, kada je potpisana Dunavska konvencija i uspostavljena Međunarodna komisija za zaštitu rijeke Dunav, (ICPDR), posebna pažnja se posvećuje zaštiti Dunavskog sliva i ovaj model upravljanja riječnim slivom se uspješno primjenjuje i na drugim riječnim bazenima.

S obzirom da je naša zemlja članica ICPDR-a i da je ratificirala Dunavsku konvenciju, smatramo da i naši učenici trebaju imati priliku da učestvuju u ovom međunarodnom događaju.

Danube Art Master takmičenje organizuje organizacija „Ekotim“ od 2004.godine.

Za više informacija, posjetite:

www.danubeday.org

www.ekotim.net, ili nas kontaktirajte na dam@ekotim.net